

5. JANTOKI ZERBITZUA

Jantokiko **arduradun orokorra Maritxu Loperena da**. Honez gain maila bakoitzak, eta, handiagoen kasuan, ziklo bakoitzak arduradun finko bat du.

Gurasoek edozein zalantza izanez gero, haurraren arduradunarekin ere zuzenean harremanetan jartzeko aukera izango dute. Horretarako ikastolako idazkaritzara deitu (943491659) eta abisua utzi behar dute. Ondoren arduraduna gurasoekin harremanetan jarriko da.

Idazkaritza 13:00etatik 14:30ak bitartean itxita dagoenez, **larrialdiren bat suertatuz gero bakarrik deitu mugikor honetara:**

692 730 199 (Maritxu)

5.1. Altak eta Bajak

- Jantokiko zerbitzua erabili ahal izango dute aurrez izena emandako ikasleek.
 - Izena ematea ikasturte osorako edo egun solteetan ere egin daiteke.
 - Izen ematea, edo alta, IKASTURTERO egin behar da. Ekainean egiten da edo beharra sortzen den unean ere egin daiteke.
 - Jantokiko abisuak idazkaritzan hartuko dira goizeko 10ak arte (e-postaz ere egin daiteke-idazkaritza@haurtzaro.ikastola.eus). Abisu horiek aurreko egunetan ere eman daitezke, ez dira derrigorrez egunean bertan eman behar.
 - Izena emana izan eta egunen batean **ez bada etorriko, BETI ABISATU** behar da; kontuan izan Ikastolaren ardurapean dagoela haurra garai horretan eta arduraduna ezin aurkiturik ibil daitekeela.
- Bestalde, 10ak aurretik abisua pasatuz gero, egun horretako kostua deskontatuko da.

5.2. Menuak

- Elikadura orekatu baten irizpideak jarraituz antolatzen dira.
- Hilabeteko lehen egunean banatuko da.
- Haurren batek egunen batean "dieta astringentea" behar badu, goizeko 10ak baino lehen gurasoek idazkaritzara deituz eska dezakete sukaldariak prestatu dezan.
- Gaixotasunengatik (alergiak) menu bereziak. 13. puntuan jaso dagoen prozedura jarraitu behar da.

Menuan berrikuntzak poliki-poliki sartzen dira, beti, ikasleen harrera kontuan izanik.

5.3. Autonomia, Osasun eta Elikadura Ohiturak

- Bazkaldu aurretik eskuak garbituko dira; HH eta LHn arduradunaren ardurapean egingo da, DBHn berriz, ikaslearen esku gelditzen da hori egitea.
- Ikasleari jateko tresnak modu egokian erabiltzea eskatuko zaio; HHn helduaren laguntzarekin egingo da, bere kabuz erabiltzeko gai diren arte.
- Janari bakoitzetik gutxieneko bat probatzea eskatzen da; HHn eta jantokira hasi berriak diren ikasleekin malgutasunez jokatzeko da.
- Janaria mahai gainera eta lurrera bota gabe jan behar da.
- Bazkaldu ondoren hortzak garbitzea ez da derrigorrezkoa izango ikasle guztientzat; gurasoen esku egongo da erabakia. Beraz, **zuen seme-alabak eguerdian bazkal ondoren hortzak garbitzea nahi baduzue ondorengoa egin behar duzue:**
 - a. Idatziz guri adierazi. Horretarako **idazkaritzan orria bete.**
 - b. **Hortzak garbitzeko tresnak ekarri:** hortz-eskuila eta pasta

Oharra: HH eta LHko haurrak, eguerdietako eskolaz kanpoko ekintzetan parte hartzen badute eta saioak 13:30 baino lehen hasten badira, ez dituzte egun horietan hortzak garbituko.

Etapa bakoitzean:

Haur Hezkuntzan:

- Jantokiko begiraleak arduratuko dira hurrei laguntzeaz.
- Hortz-eskuilak jantokian jasoko ditugu.

Lehen Hezkuntzan:

- Jantokiko begiraleak hurrei laguntzeaz arduratuko badira ere, haurren esku gelditzen da tresnen erabilera.
- Hortz-eskuila eta pasta nezeser txiki batean gordeko dira; haurrak bere tresnak antolatzen hasten dira, edo antolatzen ditu.

Horregatik:

- LHkoak garbitzeko tresnak nezeser txiki batean ekarri behar dituzte, ondoren hor gordetzeko.
- Opor garai bakoitzeko aurreko eskola egunean, etxera eramango dute nezeserra eta eskuila garbitzeko, eta berriz ere oporren ondoren ekarri beharko dute.

Bigarren Hezkuntzan:

- **Ikaslearen esku dago hortzak garbitzea.**
- Hortz-eskuila eta pasta nezeser batean gordeko dute ikasleek. Beraz bakoitzak bere tresnak ekarriko ditu eta bere garbitasunaz arduratuko da.

5.4. Jantokiko Araudia

Jantokia ikastolako zerbitzua izanik, Ikastolako arauak beteko ditugu:

- Jantokian ere **EUSKARAZ** hitz egingo dugu.
- Jantokiko langileak arduratuko dira ordena eta funtzionamendu egokiaz. Beraz, guztiok **ERRESPETATU** behar ditugu, eta eurek hartutako erabakiak onartu.
- Bazkalorduan eserita egongo gara lekuz aldatu eta istilurik sortu gabe.
- Arazoren bat dugunean, bertako arduradunarengana joko dugu arazoa konpontzeko.
- Ikasleen Eskubide eta Betebeharren araudian jaso dagoen modura **ikasleek ezingo dute garai horretan (12:00-14:30 edo 13:15-14:45) Ikastolako eremutik atera, beti ere gurasoek baimenduta ez bada**. Baimen hau idatziz adierazi behar da; beti ikaslea atera aurretik (14.artikulua, 3. puntua). Eredua Web orrian eta idazkaritzan jaso dezakezue. Ikaslearen jokabidea desegokia bada, baimen hori zuzendariak kendu ahal izango du.
- Ikasleak irteteko baimenik ez duen kasuan, gurasoa ez den beste norbait ikaslearen bila etorriko balitz, aurrez abisatu behar da arduradunak jakin dezan; idazkaritzara deitu (943491659) horren berri emateko, edo begiraleari ahoz adieraztea ere nahikoa izango da.

· **Etiketrik ekartzen diren jostailuak:**

- Haur Hezkuntzako ikasleek etiketrik ekartzen dituzten jostailuak gelan utziko dira; kasu bereziren batean jantokira eramanez gero apal batean jasoko da Ikastolara itzuli bitartean; jantokian bertako jostailuekin jolastuko dugu.

- Lehen Hezkuntzan: baloiak gelan utziko dira. Beste jostailuak (txapak, zibotak...) jangelara eraman daitezke bazkal ondoren jolasteko, baina horien zaintzaren ardura ikaslearena izango da.

5.5. Gurasoei informazio idatzia:

Jantokiko ikasleen gurasoek jantokiko informazioarekin informe idatzia jasoko dute:

- Haur Hezkuntza:
 - Egokitzapen garaian astean behin
 - Ondoren, hilabete bukaeran.
- Lehen Hezkuntza eta Bigarren Hezkuntzan: hiruhilekoaren bukaeran, eskola informarekin batera.